

邨落斜陽尋舊跡 江湖載酒誦新詞
罷官歸去魚潛沼 求友嚶鳴鳥在枝
滄海橫流君莫問 淺斟低唱最相宜

憶觀獵

徐風陶

平沙萬里無罅垠 風飛沙起天地昏
水清草茂不可得 得則蒙人居其間
牧畜牛羊為宰殺 羶肉酪漿充盤餐
體雄力大喜馳獵 流風未沫今猶然
歲時約定甲乙口 千百同出相聯翩
獲鮮以火燒食之 橫野直似義農前
往時我略涉其境 當其出獵曾來觀
短衣束帶弓在手 風鳴樹吼飛塵煙
韓盧逞才四脚快 幽禽落魄高飛驚
羽毛狼藉隨風落 弓鳴箭發巖石穿
收圍不待紅日落 山川寂寞艸朱殷
方今國土益剝削 強鄰深入為憂患
安得壯士此筆不 逐禽獸逐醜虜

春柳

張齊鯤

春風一夜渡孤城 遠陌青青又轉新
人在天涯春在柳 銷魂最易觸鄉清
嫋娜牽腰無限春 綠鬢翠鬢淡妝勻

遙隣寂寂陽關道 勞汝含情慰旅人

村南村北柳千條 閉裊春風伴舞腰
歸去漁舟輕似葉 載將春色過溪橋

悼詩

十八首

悼胡漢民先生二絕句

姚雨平

學行並世尊山斗 曠代論才有幾人
國史銘勳書不盡 一生低首拜綸巾

北望中原寇已深 版圖日蹙亦愁人
蒼蒼又促祥麟去 瞻念前途涕淚頻

挽胡漢民先生 李仙根

痛極欲無語 情深未盡辭
國憂殊未已 天道竟如斯
劍履古人義 功言百世師
一為吾黨慟 豈獨哭其私

早忝程仇後 中年閱苦辛
羣枝惜殘葉 在野念餘雲
體用知難副 言談近更親
金鞭悲不再 淒絕負恩身

纔有曹溪約 誰知隔死生
難逢春再問 莫乞雨餘晴
俗物敗人意 空山負客行
只今過禹峽 腹痛蠙蛄聲

悼胡漢民先生 侯世民

慷慨驅胡虜 崢嶸作漢民
辛勤憂社稷 出處繫蒼生
大旱雲霓望 危巢風雨驚
擎天摧一柱 匝地起哀聲

挽胡展堂先生 葉夏聲

少同研度友兼師 為討陰符每下帷
世載心期猶可質 百年事業孰能隨
平生砥柱中流石 遺憾東山一局棋
政息人亡吾所慟 盈腔熱淚豈徒私

輓章師太炎 諸祖耿

雄文何止似相如 五載傳薪事總虛
南國忽驚垂老白 西山猶有未成書
友生慟哭哀時意 庭戶周旋掩淚餘
祭罷告公公且慰 不教終作虎皮驢
寂寂金元野史亭 後生何自識前型